



Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Civil Protection Administration

Broj: 06-11-186-9/24  
Sarajevo, 01.04.2024. godine

Na osnovu čl. 69. stav (3) i 70. st. (1), (4) i (6) Zakona o javnim nabavkama ("Službeni glasnik BiH" broj: 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14), na Preporuku Komisije za nabavku, broj: 06-11-186-7/24 od 01.04.2024. godine, u postupku javne nabavke usluge: "Osiguranje motornih vozila", direktor Kantonalne uprave civilne zaštite Kantona Sarajevo *donosi*

## **ODLUKU** **o otkazivanju postupka javne nabavke**

### **Član 1.**

Otkazuje se postupak javne nabavke usluge: "Osiguranje motornih vozila", u skladu sa članom 69 stav 3. Zakona o javnim nabavkama ("Službeni glasnik BiH" broj: 39/14 i 59/22), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

### **Član 2.**

Za realizaciju ove odluke zadužuje se i ovlašćuje Komisija za javnu nabavku usluge: "Osiguranje motornih vozila" i Sektor za ekonomske poslove Kantonalne uprave civilne zaštite Kantona Sarajevo.

### **Član 3.**

Ova odluka će se objaviti, u skladu sa članom 70. stav (6) Zakona o javnim nabavkama, na web stranici Kantonalne uprave civilne zaštite Kantona Sarajevo ([www.kucz.ks.gov.ba](http://www.kucz.ks.gov.ba)).

### **Član 4.**

Ova odluka stupa na snagu danom donošenja.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke, 06-11-186/24 od 13.02.2024. godine.

Predmetni postupak proveden je putem konkurentnog zahtjeva za dostavu ponuda, a ukupna procijenjena vrijednost javne nabavke usluge: "Osiguranje motornih vozila" je 16.000,00 KM (bez uključenog PDV-a).

Komisija za nabavku je imenovana Odlukom, broj: 06-11-186-1/24 od 13.02.2024. godine.

Obavještenje o nabavci, broj: 282-7-2-24-3-21/24, objavljeno je dana 07.03.2024. godine na Portalu javnih nabavki, kao i tenderska dokumentacija.

Komisija za nabavku dostavila je dana 02.04.2024. godine direktoru Kantonalne uprave civilne zaštite, Zapisnik o pregledu i ocjeni ponuda, broj: 06-11-186-6/24 od 01.04.2024. godine, Preporuku ugovornom organu, broj: 06-11-186-7/24 od 01.04.2024. godine i Izvještaj o provedenom postupku javne nabavke, broj: 06-11-186-8/24 od 01.04.2024. godine.

Na osnovu dostavljenog Izvještaja o provedenom postupku javne nabavke, utvrđeno je da je u krajnjem određenom roku za dostavljanje ponuda zaprimljeno ukupno šest ponuda i to: CROATIA OSIGURANJE d.d. PJ SARAJEVO, BRČKO GAS OSIGURANJE PJ Tuzla, ASA CENTRAL OSIGURANJE d.d. Sarajevo, SARAJEVO - OSIGURANJE d.d. Sarajevo i EUROHERC OSIGURANJE d.d., da nije bilo neblagovremeno dostavljenih ponuda.

Komisija je izvršila javno otvaranje ponuda dana 27.03.2024. godine i odmah pristupila pregledu i ocjeni kvalifikacionih uslova kako bi utvrdila da li ponuđači ispunjavaju uslove tražene tenderskom dokumentacijom. Nakon što je utvrđeno da svi ponuđači ispunjavaju tražene uslove dostavljen je spisak ponuda službeniku za javnu nabavku za zakazivanje E-aukcije koja je održana dana 01.04.2024. godine.

Članovi Komisije su na sjednici koja je održana istog dana sa početkom u 16:00 sati utvrdili da nije bilo pomjeranja cijenovnih iznosa ponuda svih ponuđača. Obzirom da su ponude ponuđača ADRIATIC OSIGURANJE D.D. i EUROHERC OSIGURANJE d.d. ostale nepromijenjene sa identičnim cjenovnim iznosom ponuda prije i nakon e-aukcije ugovorni organ je prinuđen otkazati postupak predmetne nabavke usluge osiguranja motornih vozila.

Iz svega navedenog direktor Kantonalne uprave civilne zaštite Kantona Sarajevo, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je Preporuka o otkazivanju postupka javne nabavke data u skladu sa odredbama Zakona o javnim nabavkama, podzakonskim i općim aktima.

Iz navedenih razloga, primjenom člana 69. stav (3), člana 70. stav (1), (4) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove odluke može se izjaviti žalba najkasnije u roku od pet dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. Zakona o javnim nabavkama. Ugovorni organ će postupiti po žalbi na način propisan odredbama člana 100. Zakona o javnim nabavkama.

#### **Dostaviti:**

1. Svim ponuđačima
1. Sektoru za ekonomske poslove KUCZ KS,
2. [www.kucz.ks.gov.ba](http://www.kucz.ks.gov.ba),
3. a/a.